

# Importante nga mga Higayon Padulong sa Pagpuli sa Pagpangulo sa Simbahan



*Agosto 3, 1844.* Si Sidney Rigdon miabut sa Nauvoo. Didto siya sa Pennsylvania aron mangandam alang sa kampanya sa pagka-presidente ni Joseph Smith sa dihang nakahibalo siya sa kamatayon ni Joseph Smith. Sa adlaw human sa iyang pag-abut, si Sidney mitanyag sa publiko nga mangulo sa Simbahan isip “magbalantay” sa pagkawala ni Joseph.

*Agosto 5, 1844.* Si James J. Strang, mga lima ka bulan nga kinabig, namulong sa pundok sa mga Santos didto sa Florence, Michigan. Panahon sa miting, si James mipresentar og tinumo-tumo nga sulat nga giangkon niya nga gisulat ni Joseph Smith, nga nag-ila kang James isip puli sa Propeta.

*Agosto 6, 1844.* Si Elder Brigham Young, Heber C. Kimball, Lyman Wight, Orson Pratt, ug Wilford Woodruff sa Korum sa Napulog Duha ka mga Apostoles miabut sa Nauvoo gikan sa ilang mga misyon sa silangang bahin sa Estados Unidos.

*Agosto 7, 1844.* Ang mga lider sa Simbahan nag-abut sa Nauvoo. Si Sidney Rigdon, kinsa nahimo nga usa ka magtatambag ni Joseph sa Unang Kapangulohan, namulong sa grupo. Si Sidney nangangkon nga nakakita siya og panan-awon ug nga “walay tawo nga makapuli ni Joseph”, apan misugyot siya nga mahimo siyang “magbalantay” sa Simbahan (sa “History of Joseph Smith,” *Millennial Star*, Abr. 4, 1863, 215).

Si Brigham Young, kinsa nangulo sa Napulog Duha, namulong usab og kadiyot, nag-ingon:



“Wala koy panginlabot kon si kinsa ang mangulo sa Simbahan, . . . apan usa ka butang ang kinahanglan nakong mahibaloan, ug kana kon unsay gisulti sa Dios mahitungod niini. . . . Si Joseph mitugyan dinhi sa among mga ulo sa tanang mga yawe ug mga gahum nga konektado sa pagka-apostol diin gihuptan niya mismo sa wala pa siya kuhaa, ug walay tawo o pundok sa katawhan nga makaharang tali ni Joseph ug sa Napulog Duha niini nga kalibutan o sa kalibutan nga moabut” (Brigham Young, sa Manuscript History of the Church, vol. F-1, p. 296, josephsmithpapers.org).

- Unsa kaha ang inyong reaksyon ngadto niini nga mga panghitabo kon miyembro kamo sa Simbahan atol niining panahona?
- Sa unsang paagi ang pagkasayud nga gitugyan ni Joseph Smith ang mga yawe sa gingharian ngadto sa mga sakop sa Korum sa Napulog Duha ka mga Apostoles nakatabang sa mga Santos nga makasabut sa kabubut-on sa Dios niining butanga?